

## БИРИНЧИ ЯРИМ ЙИЛЛИКДАГИ ИҚТИСОДИЙ НАТИЖАЛАР ВА ЙИЛ ЯКУНИГАЧА МЎЛЖАЛЛАНГАН УСТУВОР ВАЗИФАЛАР МУҲОКАМА ҚИЛИНДИ

Президент Шавкат Мирзиёев раислигида 17 июль куни ҳудудлар ва тармоқларда иқтисодий ўсиш суръатларини таъминлаш бўйича биринчи ярим йиллик таҳлили ҳамда йил якунига қадар устувор вазифалар муҳокамаси юзасидан видеоселектор йиғилиши ўтказилди.

Авалло, бажарилган ишлар қисқача айтиб ўтилди. Жорий йилнинг олти ойида ялпи ички маҳсулот 6,4 фоизга кўпайган. Саноат 7,8 фоизга, қурилиш 10,1 фоизга, хизматлар 12,9 фоизга, қишлоқ хўжалиги 3,8 фоизга ўсган. Бюджет даромадлари ҳам 113 триллион сўмга етиб, 14 фоиз ошган.

Умуман, йил бошидан буён республикада ярилган қўшилган қиймат 567,4 триллион сўмга, яъни, 45,1 миллиард долларга етган. Бундай рақамлар илгари бўлмаган.

Ўтган даврда жами капитал қўйилмалар 229 триллион сўмни ташкил қилган. Шундан 15,5 миллиард доллар хорижий инвестициядир. Андижон, Булоқбоши, Қорақўл, Кармана, Давлатобод туманлари, Наманган ва Самарқанд шаҳарлари инвестицияси 100 миллион доллардан, Шароф Рашидов, Фориш, Янги Наманган, Охангарон туманларида эса 70 миллион доллардан ошган.

Йил бошидан 3,5 миллиард долларлик 3 мингта лойиҳа ишга тушиб, 76 мингта юқори даромадли доимий иш ўрни яратилган. Тадбиркорлик учун 82 триллион сўм кредит ва 15,5 триллион сўм субсидия берилиб, 600 минг аҳоли бизнесга жалб қилинган. Енгиллик ва имтиёзлар туфайли тадбиркорларда 56,3 триллион сўм маблағ қолган.

«Яшил» энергетика соҳасидаги ишлар ҳам натижа бера бошлади. Хозиргача ишга тушган 2,4 гигаваттлик 10 та қуёш ва шамол электр станциялари ҳисобига ярим йилликда 1,6 миллиард киловатт «яшил» энергия олинди. Бу ярим миллиард кубметр газни тежаш имконини берди.

Шу йилнинг ўзиде маҳаллаларни обод қилиш, боғча, мактаб, тиббиёт, йўл, сув, электр каби инфратузилмани яхшилаш учун бюджетдан 31,5 триллион сўм ажратилган. Бунга қўшимча яна 1,5 триллион сўм берилади.

Ўтган олти ойда 18 минг 600 та янги хонадон қуриб, топширилган. 26 мингта оилага 7 триллион сўмга яқин ипотека кредити ажратилган. Улар бўйича бошланғич тўлов ва фойзни қоплаш учун 545 миллиард сўм субсидия берилган.

Давлатимиз раҳбари йиғилишда кўпроқ муаммолар бўйича гапириб, аниқ режа ва вазифаларни белгилаш зарурлигини таъкидлади.

**- Дунёдаги оғир шароитга қарамасдан, барқарор иқтисодий ўсиш йўлида аниқ натижаларга эришяпмиз. Буни Халқаро валюта жамғармаси, Жаҳон банкчи, ҳамкор давлатлар раҳбарлари, рейтинг ташкилотлари, йирик инвесторлар ҳам эътироф этаяпти. Лекин бугун камчиликларни кўрсатиб, захираларни ишга солиш бўйича аниқ вазифаларни белгилаб олиш, фойдали бўлади, - деди Шавкат Мирзиёев.**

Биринчи бўлиб, иқтисодиёт, молия, солиқ, тадбиркорликни қўллаб-қувватлаш ва камбағалликни қисқарттириш масалалари муҳокама қилинди.

Сайхунбод, Уйчи, Зарбдор ва Ёғдудон тажрибалари натижасида олти

ойда 4 мингдан ортиқ маҳалла саноат ва қишлоқ хўжалигига ихтисослашган, 1 миллион 600 минг аҳоли расмий банд бўлган, 712 мингта янги даромад солиғи тўловчи пайдо бўлган.

Йиғилишда буларга янги туртки бериш мақсадида қўшимча чоралар белгиланди. Хусусан, энди туман ҳокими, банк раҳбари ва маҳалла раиси бир бўлиб ишлаш бўйича уч томонлама шартнома тузади. Жорий йил 1 декабргача «Сайхунбод тажрибаси» асосида хонадонлар учун молиявий пакет қилиб берилади. Бу орқали 495 минг аҳолининг бандлиги таъминланади. Иккинчи ярим йилликда «Оилавий тадбиркорлик» дастури қамрови 1,5 баробар оширилиб, 4 триллион сўм ажратилади.

«Уйчи тажрибаси»га асосан, туман ҳокими ва банк раҳбарлари тадбиркорлар билан учрашиб, уларнинг бизнесини кенгайтиришга кўмаклашади. Бунда ҳоким ер, электр, сув, йўл ва бошқа инфратузилма масаласини, банк эса маблағни ҳал қилади. Бу орқали йил якунигача 670 минг аҳоли бандлигини таъминлаш мумкинлиги айтилди.

«Ўғиздудон тажрибаси» асосида йил якунига қадар мингта маҳалланинг ўзиде қўп қаватли саноат бинолари ташкил қилинади. Уларга хонадонлардаги ишлаб чиқаришлар кўчирилади. Ушбу биноларнинг юқори қаватларида ишлайдиган тадбиркорларга солиқ имтиёзлари берилади. Бу 140 минг иш ўрнини «соядан» чиқаришга шароит яратади.

«Зарбдор тажрибаси» асосида туманларда саноат, савдо, хизмат ва замонавий агротехнологиялар соҳасида драйвер лойиҳалар қилинади. Уларни амалга оширишга бу йил қўшимча 500 миллиард сўм ажратилади. Бу орқали яна 150 минг иш ўрни бўлади.

Бош вазирга мазкур тўртта тажрибани кўллаган ҳолда, йил якунигача 2 миллион 416 минг аҳоли бандлигини таъминлаш режасини туманлар кесимида тасдиқлаш топширилди.

Бюджетга тушумларни таъминлаш масаласи ҳам кўриб чиқилди. Корхоналар ва тадбиркорларга қўмақ бериб, даромадини ошириш орқали солиқ тушумини кўпайтириш муҳимлиги таъкидланди. Тадбиркорга ортиқча тўлов қилдирган масъуллар жазоланиши ҳақида қатъий оғохлантирилди.

Хусусийлаштириш дастурининг бажарилиши, йирик корхоналарда таннархни пасайтириш ишлари сустигли кўрсатиб ўтилди.

Энди тадбиркорларга имтиёз ва субсидиялар мақсадида кўрсаткичи билан бир йилга берилиши, натижасига қараб муддати узайтирилиши ёки бекор қилиниши айтилди.

Бу йил ҳудудий корхоналарда 164 триллион сўмлик маҳсулот ишлаб чиқарилган. Лекин Когон шаҳри, Қорувулбозор, Зафаробод ва Мирзаобод туманларида саноат пасайган. Мутасаддиларга йил якунигача кам қувватда ишлаётган 2 мингта корхонани ривожлантириш вазифаси қўйилди.

Феолиятида тизимли камчиликларга йўл қўйган 28 та туман ва шаҳар ҳокимига нисбатан интизомий жазо қўлланди. Қораўзақ, Тахиятош, Учқудук, Тошкент, Фурқат, Гурлан, Мирзаобод, Янгиарик, Мингбулоқ туманлари, Фозгон шаҳри ҳокимлари лавозимдан озод қилинди.

Йиғилиш кун тартибидеги навбатдаги масалалар транспорт, коммуникациялар, қурилиш ва уй-жой коммунал хўжалиги соҳалари бўйича бўлди.

(Давоми 2-саҳифада).


Яккабоғ туманидаги «Истиқлол ғунчалари» оромгоҳи 1968 йил қурилган бўлса-да, «тўкилиб» қолгани йўқ. Омманинг, дам олувчиларнинг эътиборидан ҳам қолмаган. Яъни эскиликни «бўйнига олмаган». Бу ерга келган дам олувчилар ҳар гал турлича янгиликларнинг шохиди бўлишади.

Ҳозирги кунда маблағ топиш, ўзини ўзи таъминлаш, керак бўлса, яхши даромад қилиб, мавжуд шароитларни, моддий-техник базани янада мустаҳкамлаш - тезкор тараққиёт замони талаби. Ишламаган оч қоладиган, изланиб, имкон топганлар эса бири икки бўладиган давр. Дехқонча айтганда, тезкор замонга эргашши зарурлигини ҳаётнинг ўзи тақозо этмоқда.

Оромгоҳ раҳбариятининг саъй-ҳаракати билан ўтган йили тўрт навбатда болалар соғломлаштирилгач, бешинчи «оқим» ҳам ташкил этилди. Натижада 300 нафар ёш спортчи бу ерда ҳордиқ чиқарди, ўқув-машғулот йиғинини ўтказди. Бу эса, табиийки, оромгоҳга фойда келтирди.

Оромгоҳ ҳудудидаги боғ меваларини сотиш эвазига яна қўшимча 20 миллион сўм даромад қилинди. Ушбу фойда ва даромадлар ҳисобидан «Истиқлол ғунчалари» хизматлари учун автомобиль харид қилинди. Дам олиш маскани жорий таъмирланди, 400 та янги стул сотиб олинди.

Бу муваффақият жорий йилги мавсумга ҳам ўзининг ижобий таъсирини кўрсатди. Оромгоҳ директори Абдуғани Бокиев бир гуруҳ ҳамкасблари билан Россия Федерациясида оромгоҳлар бўйича ташкил этилган халқаро семинарда қатнашиб келди. Қолаверса, Ўзбекистон касоба уюшмалари Федерацияси томонидан ташкил этилган Болаларнинг дам олишини ва соғломлаштирилишини ташкил этиш департаменти ёзги мавсумни эсда қоларли, мазмуни ўтказиш учун аниқ чора-тадбирлар белгилаган. Энди оромгоҳдаги ҳар бир куннинг ўз ҳисоби, мазмун-мундарижаси бор. Аини пайтда бу ерда 420 нафар ўғил-



Тоқлиқ

## ҲОЗИР БОҚИМАНДАЛИК ДАВРИ ЭМАС

Яккабоғдаги ярим асрлик оромгоҳ қандай қилиб юксалиши йўлига ўтди?

киз ёзни эсда қоларли тарзда ўтказмоқда.

«Истиқлол ғунчалари»даги яна бир эътиборли жиҳат шуки, ҳар бир жамоада ўғил-қизларнинг ота-оналари учун телеграм гуруҳлари ташкил қилинган. Бунда ота-оналар фарзандининг оромгоҳда нима билан машғуллиги, қандай тадбирларда иштирок этаётгани, таомланиши, барча-барчаси ҳақида хабардор бўлиб боради. Керак бўлса, ўз тақлифларини беришади.

Болаларни кузатар эканмиз, уларнинг атоқли шоирларимиз шеърларини жўр

бўлиб айтаётгани эътиборимизни тортди. Яъни шеърни бутун бошли жамоа ёдлайди. Бунда шеърятга қизиқмайдиган болакай ҳам жамоадошларидан ажралиб қолмаслик учун асарни ўқишга, ёдлашга мажбур бўлади. Оромгоҳда жипсликни таъминлаётган бу манзара ҳам аслида ўғил-қизларни адабиётга қизиқтиришнинг самарали йўлидир.

Акмал АБДИЕВ  
«ISHONCH»

Ўзбекистон касоба уюшмалари Федерацияси Тошкент вилояти кенгашига Бўка туманидаги 40-сонли мактабда ишловчи ходимдан шикоят келиб тушди.

## МОДДИЙ ЁРДАМ АЖРАТИЛАДИГАН БЎЛДИ

Мурожаатга кўра, ушбу мактабнинг директор ўринбосари А.Туранов ўзи билан бирга ўқитувчи бўлиб ишловчи аёли, II гуруҳ ногирони бўлган Н.Туранованинг даволаниши учун моддий ёрдам сўраб, директор номига ариза ёзган. Бироқ мактаб директори унинг аёли ногиронлик нафақасини олаётганини вақ қилиб, моддий ёрдам ажратилган беш тортган. Такрорий мурожаатлардан сўнг ҳам директор турли сабаблар билан рад этаверган.

Шундан сўнг, мурожаатчи юқори ташкилотларга шикоят хати киритишга мажбур бўлди. Ушбу мурожаат Ўзбекистон касоба уюшмалари Федерацияси Тошкент вилояти кенгаши меҳнат ҳуқуқ инспектори ҳамда мутахассис томонидан жойига чиқиб ўрганилди.

Вазирлар Маҳкамасининг 2019 йил 30 сентябрдаги 823-қарорининг 7-боб, 33-бандида, яъни «Умумтаълим муассасалари ходимларига моддий ёрдам уларнинг мурожаатига кўра ёки умумтаълим муассасаси касоба уюшмаси ташкилотининг ташаббуси бўйича фавқуллода ҳолларда, яъни яқин қариндоши (отаси, онаси, турмуш ўртоғи, фарзанди) вафот этганда, ходим ва унинг яқин қариндоши (отаси, онаси, турмуш ўртоғи, фарзанди) оғир жарахат олганда, оғир касалликка чалинганда, ходим табиий офатдан зарар кўрганда кўрсатилади», деб белгилангани раҳбарга тушунтирилди. Ҳуқуқий-норматив ҳужжатлар, талаблар тушунтирилгач, фуқаро А.Турановга моддий ёрдам ажратиш белгиланди.

Машраб МИРЗАЕВ,  
Ўзбекистон касоба уюшмалари Федерацияси Тошкент вилояти кенгаши меҳнат ҳуқуқ инспектори



## ТўРТ ОЙЛИК ИШ ҲАҚИ

ёхуд 19 976 703 сўм  
ундириб берилди

Нигорахон Исмоилова 2022 йилнинг май ойидан Олтинқўл тумани «Кўтармачек» маҳалласида хотин-қизлар фаоли лавозимига ишлаб келади. Унга шахсий ҳаёти билан боғлиқ айрим ҳолатлар бўйича эътироз билдирилиб, 2023 йилнинг ноябрь ойидан иш ҳақи тўхтатиб қўйилган. Иш ҳақи табелларига эса ишламагани ҳақида маълумотлар киритилган. Аслида, ходима ишлаган, зиммасига юклатилган вазифаларни бажарган. Туман ҳокимлиги томонидан ишдан четлаштирилмаган. Аммо масъуллар ишлаган кунларни ишламаган қилиб кўрсатилишига эътибор қаратмаган.

Н.Исмоилованинг мурожаатидан сўнг Давлат муассасалари ва жамоат хизмати ходимлари касоба уюшмаси Андижон вилояти кенгаши томонидан Фуқаролик ишлари бўйича Андижон туманлараро судида ушбу тўланмаган 4 ойлик иш ҳақини ундириб бериш сўралди.

Меҳнат кодексининг тегишли моддасига асосан, ходимларга иш ҳақи тўлаш мuddатлари жамоа шартномасида ёки ички ҳужжатларда, улар мавжуд бўлмаганда эса меҳнат шартномасида шарт қилиб кўрсатилган мuddатларда белгиланади ва ҳар ярим ойда бир мартадан кам бўлиши мумкин эмас. Шунингдек, ходимга иш ҳақи тўлаш ва унга тўланиши лозим бўлган бошқа тўловлар кечиктирилганда иш берувчи ходимга етказилган зиённинг ўрнини қоплаши шарт.

Суд жараёнида даъвогарнинг лавозим вазифаларини ўз вақтида бажаргани, ишдан бўшатилмагани аниқланди. Бундай ҳолатда у иш ҳақи ва бошқа тўловларни олиш ҳуқуқига эга.

Шунга асосан суд қонун нормалари ва ишнинг ҳақиқий ҳолатидан келиб чиқиб, Н.Исмоилова фойдасига 4 ойлик иш ҳақи - 19 миллион 976 минг 703 сўм ундириши лозим топди.

Анваржон  
ҲАЛИМОВ  
«ISHONCH»





